


# Wendy N'wankavangaheti

## a ponisa vutomi




Khale ka khaleni, ndyangu wa  
N'wanhlampfi Misavu - manana,  
tatana na vana va vona vanharhu  
- a va tshama eka tamba leri  
mileke swilo swa mihlovo ya pinki  
na wo tshwuka endzenindzeni ka  
lwandle ra wasi.



Nindzhenga loko xikolo xi humile,  
vana lavanhарhu a va pfuna hi ku  
basisa kaya ra vona etambeni ra le  
lwandle.

Endzhaku ko basisa, vana  
lavanharhu a va endla ntirhokaya  
wa vona kutani va ya tlanga  
ekusuhi na tamba ra kaya ra vona.



Ndyangu wa ka N'wanhlampfi  
Misavu a wu hanya hi ku rhula  
elwandle. A va kuma swakudya  
swo tala etambeni naswona a va  
hlayisekile.

Ku fikela siku rin'wana ...



... loko ndyangu wa N'wanhlampfi  
Misavu wu twa un'wana a ba  
nkalanga swinene.

"Pfunani! Pfunani! Ndzi pfuneni!"


"I mani loyi a cemaka hi ndlela  
leyi?" ku vutisa Manana  
N'wanhlampfi Misavu. "Xana  
ku nga va ku humelela yini?" ku  
vutisa Tatana N'wanhlampfi  
Misavu. "Ha chava!" ku vula  
swinhlampfana leswinharhu.

# Pfunani!




Kutani ku fika khombo. Va vonile  
Scaly Nyankwave a ri karhi a  
hlongorisa Angie N'wanhlampfi  
Xintsumi.

Mbuyangwana Angie  
N'wanhlampfi Xintsumi a  
chuhwile lero u hlambele a nghena  
endzenindzeni swinene ka lwandle  
leswaku a va ekule na Scaly  
Nyakwave.




Vadyangu wa N'wanhlampfi  
Misavu va hlanganisile tinhloko  
va kanerisana. Xana va ta  
n'wi pfunisa ku yini Angie  
N'wanhlampfi Xintsumi?

A va swi tiva leswaku ku na  
nhlampfi yin'we ntsena leyi a yi  
nga chavi Scaly Nyankwave.





Nkulukumba N'wanhlampfi Misavu  
u berile Wendy N'wankavangaheti  
riqingho.

"Hi pfune! Wendy, hi pfune! Scaly  
Nyankwave u lava ku dya Angie  
N'wanhlampfi Xintsumi. U le  
khombyeni lerikulu".



Wendy N'wankavango  
a hlambela a ya ekaya ra  
N'wanhlampfi Misavu.

"Mi nge ndzi pfuna Angie  
N'wanhlampfi Xintsumi," ku  
vula Wendy N'wankavangaheti.  
"Ndzi nkulu no va na matimba  
naswona a ndzi n'wi chavi Scaly  
Nyankwave".



Hi ku phakata no puluta ncila wa yena, u himile Scaly Nyankwave.



Vutomi bya Angie N'wanhlampfi Xintsumi byi va byi ponisiwile.

Angie N'wanhlampfi Xintsumi u khensile ndyangu wa N'wanhlampfi Misavu kutani a hlambela hi rivilo a tlhelela ekaya ka yena - ekule swinene na Scaly Nyankwave.


"Wendy N'wankavangaheti u ponisile siku!" ku huwelela ndyangu wa N'wanhlampfi Misavu.

Xinghana i **ku tshembana**  
**na ku pfunana.**





bl



nyankwave



dolofini



mfutsu




ntlawā wa  
tinhlampfi



nhlampfixintsumi



nhlampfixihanci



# nkavangaheti

Nkavangaheti ya wasi i xiharhi lexikulu swinene emisaveni.



Tinkavangaheti i swian' wisi naswona ti hefemula moya tanihu leswi hi endlisaka xiswona.

nhlampfixibanga




nhlampfixijeli



nhlampfimisavu



nhlampfixinyeleti



# Micingiriko ya ku hlaya hi mitlawa





1

- a. Byela munghana wa wena loko u tsakerile xitori. Seketela nhlamulo ya wena.
- b. U ehleketa leswaku a ku ta va ku humelele yini loko Wendy N'wankavangaheti a nga hlamulangi foni ya yena?
- c. Tumbuluxa mahetelelo lamantshwa ya xitori.



2

- Languta 2 wa swifaniso. Ehleketa hi swivutiso leswi landzelaka kutani mi bula hi tinhlamulo ta swona na munghana wa wena.



- a. Hi swihi leswi fanaka eka swifaniso leswimbirhi?
- b. Hi swihi leswi hambanaka eka swifaniso leswimbirhi?
- c. Languta xifaniso xo sungula. U ehleketa leswaku ndyangu wa N'wanhlampfi Misavu a wu titwa njhani? Hikwalaho ka yini u ehleketa leswaku a va titwa hi ndlela leyi? Xana u tshama u titwa hi ndlela leyi?
- d. Languta xifaniso xa yumbirhi. Sweswi u ehleketa leswaku wu titwa njhani? Hikwalaho ka yini u ehleketa leswaku va titwa hi ndlela leyi? Xana u tshama u titwa hi ndlela leyi?

- e. Loko a wu ri nhlampfi, a wu ta titwa njhani loko ndyangu wa ka n'wina wu hlaseriwa hi nyankwave?



3

Tsala nghingiriko lowu ebukwini ya wena ya switoloveto.

- a. Lava marito lama sungulaka hi mipfumawulo leyji landzelaka exitorini kutani u ma tsala.

dy

ph

nhl

- b. Lava marito lama nga na mipfumawulo leyji landzelaka exitorini u tlhela u ma tsala:

-eni

-ile

ny

hl

lw

nk

- c. Lava marito exitorini lama helelaka hi -eni u tlhela u ma tsala.

- d. Tsala marito lama eka dikixinari ya wena.

vanghana

nhlampfi

nkavangaheti

nyankwave

- e. Hetisa swivulwa leswi hi ku tsala switwananisi leswi faneleke.

Tinhlampfi \_\_\_\_\_ hanya elwandle.


Xinhlampfana a \_\_\_\_\_ chava nyankwave.

- f. Tsala swivulwa leswi nakambe eka nkarhi wa sweswi.

Wendy u hundzile emutini wa tinhlampfi.

Va twile un'wana a cema.

- g. Tsala swivulwa leswi nakambe  
u tlhela u hikahata laha swi  
faneleke.



wendy u hlamberile a hundza emutini wa  
N'wanhlampfi Misavu

pfuna wendy pfuna

hikwalaho ka yini Angie a ri na ku chava



4

Hlaya swivutiso leswi landzelaka u tlhela u byela  
munghana wa wena tinhlamulo.

- I yini vito ra xitori lexi?
- I vamani swimunhuhatwankulu eka xitori lexi?
- Xana xitori xi humelela kwihi?
- Hi rihi khombo leri ndyangu wa N'wanhlampfi Misavu a wu  
langutane na rona?
- Hlamusela xitori hi marito ya wena. Tsala 4 kumbe 5 wa  
swivulwa.
- Dirowa xifaniso xa xivulwa xin'wana na  
xin'wana ku kombisa ndzimana ya wena.



5

Tianakanye u ri Angie  
N'wanhlampfi Xintsumi.

Tsala hungu ri ya eka Wendy  
N'wankavangaheti u n'wi  
khensa ku va a ponisile vutomi  
bya wena.

